

Broj: 01-11-14-1049-7/26
Sarajevo, 6.7.2026. godine

Na temelju člana 70. st. (1) i (4) Zakona o javnim nabavkama („Službeni glasnik BiH“, br. 39/14, 59/22 i 50/24), a vezano za postupak konkurentskog zahtjeva za dostavu ponuda za javnu nabavku usluga - „Održavanje postojećih ESRI softverskih licenci“, predviđenog Planom nabavki za 2026. godinu, broj: 01-11-14-608/26 od 25.3.2026. godine, te preporuke Komsije za javnu nabavku date u Zapisniku o ocjeni ponuda, broj: 01-11-14-1049-6/26 od 3.7.2026. godine, direktor Federalne uprave za geodetske i imovinsko-pravne poslove, d o n o s i

O D L U K U

o poništenju postupka javne nabavke usluga – „Održavanje postojećih ESRI softverskih licenci“

I

Ovom odlukom poništava se postupak konkurentskog zahtjeva za dostavu ponuda za javnu nabavku usluga - „Održavanje postojećih ESRI softverskih licenci“, pokrenut Odlukom o nabavci, broj: 01-11-14-1049/26 od 19.5.2026. godine, a u skladu sa Planom nabavki Federalne uprave za geodetske i imovinsko-pravne poslove za 2026. godinu, broj: 01-11-14-608/26 od 25.3.2026. godine, za koji je Obavještenje o nabavci broj: 399-7-2-12-3-13/26 objavljeno na web Portalu Agencije za javne nabavke BiH dana 20.5.2026. godine.

II

Predmetni postupak nabavke usluga se poništava iz razloga što je ponuda ponuđača GDI d.o.o. Sarajevo, zaprimljena kod ovog ugovornog organa dana 2.6.2026. u 12:45h, ocijenjena kao neprihvatljiva, a u skladu sa odredbom članom 2. tačka I) pod 2), a u vezi sa članom 69. stav (2) tačka d) Zakona o javnim nabavkama.

III

Ova odluka stupa na snagu danom donošenja i objavit će se na službenoj internet stranici Federalne uprave za geodetske i imovinsko-pravne poslove - www.fgu.com.ba.

Obrazloženje

Na temelju Zakona o javnim nabavkama i Plana nabavki za 2026. godinu, broj: 01-11-14-608/26 od 25.3.2026. godine, Federalna uprava za geodetske i imovinsko-pravne poslove (u daljem tekstu: ugovorni organ) je putem Odluke o nabavci, broj: 01-11-14-1049/26 od 19.5.2026. godine, pokrenula postupak konkurentskog zahtjeva za dostavu ponuda za javnu nabavku usluga - „Održavanje postojećih ESRI softverskih licenci“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-7-2-12-3-13/26 od 20.5.2026. godine.

Provođenje predmetnog postupka nabavke bilo je u nadležnosti Komisije za javne nabavke (u daljnjem tekstu: Komisija), imenovane Rješenjem direktora Federalne uprave za geodetske i imovinsko-pravne poslove, broj: 01-11-14-1049-1/26 od 19.5.2026. godine.

Tenderskom dokumentacijom, te navedenim obavještenjem o pokrenutom postupku javne nabavke objavljenim u sistemu E-nabavke na web Portalu Agencije za javne nabavke BiH, rok za prijem ponuda je određen za dan 3.6.2026. godine do 10:00h, te je Komisija konstatovala da do utvrđenog roka za dostavljanje ponuda na protokol ovog ugovornog organa zaprimljena jedna (1) ponuda i to ponuda ponuđača GDI d.o.o. Sarajevo, a koja je zaprimljena dana 2.6.2026. godine u 12:45h.

Komisija za javnu nabavku usluga – „Održavanje postojećih ESRI softverskih licenci“, postupajući u skladu sa propisanim nadležnostima, je na zatvorenom sastanku održanom dana 3.6.2026. godine sa početkom u 10:45h započela evaluaciju blagovremeno zaprimljene ponuda za predmetnu nabavku usluga, odnosno ponude ponuđača GDI d.o.o. Sarajevo.

Detaljnim pregledom i analizom zaprimljene ponude, Komisija je utvrdila da je ponuđač GDI d.o.o. Sarajevo kvalifikovan za pružanje predmetnih usluga, da je uz ponudu dostavljena sva obligatorna dokumentacija prema uslovima tenderske dokumentacije, ali je Komisija također konstatovala da je predmetna ponuda, čiji je iznos 49.717,00 KM bez PDV-a sa uračunatim popustom od 2.243,00 KM, za tačno 999,06 KM viša od vrijednosti koja je procijenjena za ovu vrste nabavke usluga, a koja procjena je iznosila 48.717,94 KM bez PDV-a. Također, Komisija je uočila da ponuđač GDI d.o.o. Sarajevo nije ispunio tabelarnu specifikaciju usluga sa količinama i cijenama iz tačke VI Nacrta ugovora (Aneks 6 TD), ali Komisija je to u zapisniku smatrala manjim propustom.

Međutim, obzirom na situaciju gdje je zaprimljena samo jedna ponuda sa cijenom višom od procijenjene vrijednosti za iznos od 999,06 KM bez PDV-a, Komisija je dana 3.7.2026. godine telefonskim putem od savjetodavne podrške Agencije za javne nabavke BiH zatražila stav i upute za postupanje (razgovor snimljen od strane Agencije), putem kojeg je Agencija za javne nabavke BiH dala izjašnjenje da se u konkretnom slučaju, a obzirom na izmjene i dopune Zakona o javnim nabavkama objavljene u „Službenom glasniku BiH“, br. 59/22 i 50/24, konkretna ponuda treba u skladu sa članom 2. tačka l) pod 2), u vezi sa članom 69. stav (2) tačka d) Zakona, odbiti kao neprihvatljiva.

Imajući u vidu navedeno, a u vezi sa naprijed citiranim zakonskim odredbama i obzirom na stav Agencije za javne nabavke BiH, Komisija je u Zapisniku o ocjeni ponuda, broj: 01-11-14-1049-6/26 od 3.7.2026. godine, direktoru Federalne uprave za geodetske i imovinsko-pravne poslove dala preporuku, odnosno jednoglasno predložila donošenje odluke o ocjeni ponude ponuđača GDI d.o.o. Sarajevo kao neprihvatljive, te da se postupak konkurentskog zahtjeva za dostavu ponuda - „Održavanje postojećih ESRI softverskih licenci“ u cijelosti poništi.

S tim u vezi, ovaj ugovorni organ prihvata preporuku Komisije, te se na temelju obaveze propisane članom 2. tačka I) pod 2), a u vezi sa članom 69. stav (2) tačka d) Zakona o javnim nabavkama, ponuda ponuđača GDI d.o.o. Sarajevo ocijenjuje kao neprihvatljiva, a postupak konkurentskog zahtjeva za dostavu ponuda za javnu nabavku usluga - „Održavanje postojećih ESRI softverskih licenci“ u potpunosti poništava.

U analizi provedenog postupka, ugovorni organ nije našao razloge nepravilnosti, niti propuste u radu koji bi eventualno bili osnov za neprihvatanje preporuke Komisije, te je stoga odlučeno kao u dispozitivu ove odluke.

Pouka o pravnom lijeku: U skladu sa odredbama člana 101. stav (5) Zakona o javnim nabavkama, protiv ove odluke može se uložiti žalba u roku od pet (5) dana od dana zaprimanja odluke. Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom. Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

DIREKTOR
Željko Obradović, dipl.inž.geod.



Prilog: Zapisnik o ocjeni ponuda

DOSTAVITI:

1. GDI d.o.o. Sarajevo
2. Sektor za geoinformatiku – o v d j e;
3. U spis.

